



Broj:  
Sarajevo, \_\_.\_\_. 2018.god.

Na osnovu člana 26. stav 1. tačka 2. i člana 74. stav 1. Statuta Grada Sarajeva ("Službene novine Kantona Sarajevo", broj 34/08 – prečišćeni tekst), Gradsko vijeće Grada Sarajeva, na sjednici od \_\_.\_\_.2018. godine, donijelo je:

### ZAKLJUČAK

1. Gradsko vijeće Grada Sarajeva razmotrilo je Nacrt Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo i istu upućuje u javnu raspravu.
2. Subjekti u javnoj raspravi su: Ministarstvo kulture i sporta Kantona Sarajevo, općine koje čine Grad Sarajevo, Odbor za društvene djelatnosti Gradskog vijeća Grada Sarajeva i klubovi vijećnika u Gradskom vijeću Grada Sarajeva.
3. Zaključak čiji sastavni dio je Nacrt Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo dostavlja se subjektima u javnoj raspravi.
4. Za organizovanje i provođenje javne rasprave određuje se Gradonačelnik Grada Sarajeva i Odbor za društvene djelatnosti Gradskog vijeća Grada Sarajeva.
5. Finansijska sredstva za provođenje javne rasprave nisu potrebna.
6. Nacrt Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo upućuje se u javnu raspravu u trajanju od 15 dana.
7. Primjedbe, prijedlozi, mišljenja i sugestije iznesene u diskusijama radnih tijela Gradskog vijeća i gradskih vijećnika, na sjednici Gradskog vijeća Grada Sarajeva, tretirat će se kao prilog javnoj raspravi.

### PREDSJEDAVALJUĆI GRADSKOG VIJEĆA

**Igor dr. Gavrić**



**ODLUKA**  
**o utvrđivanju i načinu sufinansiranja sportskih manifestacija**  
**od posebnog interesa za Grad Sarajevo**  
**(nacrt)**

**Predlagač: Gradonačelnik Grada Sarajeva**  
**Obrađivač: Gradska služba za obrazovanje, kulturu,**  
**sport i mlade**

**Sarajevo, decembar 2018.**



Na osnovu člana 26. stav 1. tačka 2. Statuta Grada Sarajeva («Službene novine Kantona Sarajevo», broj 34/08 - prečišćeni tekst), Gradsko vijeće Grada Sarajeva na sjednici od \_\_.2018. godine donosi:

(nacrt)

**ODLUKU**  
**o utvrđivanju i načinu sufinansiranja sportskih manifestacija**  
**od posebnog interesa za Grad Sarajevo**

**I OPĆE ODREDBE**

**Član 1.**

Ovom Odlukom utvrđuju se sportske manifestacije od posebnog interesa za Grad Sarajevo i način njihovog sufinansiranja.

**Član 2.**

Sportske manifestacije iz člana 1. ove Odluke su:

- Memorijalni karate turnir "Kup oslobođenja - Salih Salko Ćurić";
- Međunarodni memorijalni košarkaški turnir „Mirza Delibašić“;
- Međunarodni memorijalni turnir u dizanju tegova "Andrija Maleč";
- Međunarodni memorijalni judo turnir "Vinko Šamarlić";
- Međunarodni Šestoaprilski turnir u fudbalu U-15 „Josip Katalinski Škija“;
- Međunarodni turnir u ritmičkoj gimnastici „Suada Dilberović“;
- Međunarodni košarkaški turnir „Davorin Popović Dačo“;
- Memorijalni bokserki turnir „Braća Kadić“;
- Međunarodni memorijalni bokserski turnir „Mustafa Hajrulahović Talijan“;
- Međunarodni memorijalni judo turnir „Alija Miladin“;
- Međunarodni karate turnir "Karate World Grand Prix" Alija Izetbegović;
- Međunarodni teniski turnir za juniore-ke do 16 godina "Open RCT Barcelona 1899-Sarajevo";
- Međunarodni velemajestorski šahovski super turnir „Bosna“ Sarajevo;
- Međunarodni turnir u sjedećoj odbojci „SARAJEVO OPEN“;
- Međunarodno skijaško takmičenje FIS Kup "Djeca za mir u svijetu";
- Međunarodni turnir u hokeju na ledu "Sarajevo kids";
- Evropski judo kup Top ranking;
- Međunarodno FIS takmičenje u snowboardu „Europa KUP Sarajevo“;
- Međunarodni plivački miting: "Sarajevu s ljubavlju";
- Međunarodni vaterpolo turnir "Sarajevo Champions Challenge";
- Šestoaprilski turnir u hrvanju “Kup grada Sarajeva”;
- Međunarodni Šestoaprilski turnir u kuglanju za slijepce i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Sarajevski polumaraton;
- Međunarodni fudbalski turnir U-17 „Igraj fudbal živi život“;
- Međunarodni skokovi u vodu "Bentbaša";
- Šestoaprilski turnir u streljaštvu za invalide;
- Međunarodni plivački miting „Mladi za mlade“.

## II KRITERIJI I NAČIN SUFINANSIRANJA SPORTSKIH MANIFESTACIJA

### Član 3.

Manifestacije iz člana 2. ove Odluke Grad Sarajevo će sufinansirati iz sredstava Budžeta Grada Sarajeva sa pozicije: Primjena Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo.

### Član 4.

Sufinansiranje manifestacija iz člana 2. ove Odluke vršit će se u skladu sa općim i posebnim kriterijima i to:

#### a) Opći kriteriji

1. izvod iz registra podnosioca zahtjeva za sufinansiranje manifestacije (original ili ovjerena kopija ne starije od šest mjeseci);
2. uvjerenje o poreskoj registraciji - identifikacioni broj i broj transakcijskog računa u poslovnoj banci (original ili ovjerena fotokopija ne starije od šest mjeseci);
3. prijedlog manifestacije, sa specifikacijom troškova neophodnih za realizaciju;
4. obezbjeđenje tehničkih, ljudskih i materijalnih uslova neophodnih za realizaciju planiranih aktivnosti;
5. finansijski izvještaj o utrošku sredstva odobrenih u prethodnoj godini.

#### b) Posebni kriteriji

1. opis programa - projekta, sa svim neophodnim podacima i finansijskim planom ukupnih prihoda i rashoda;
2. značaj programa - projekta za Grad Sarajevo;
3. dokaz o dosadašnjim rezultatima i uspjesima, kao i dokaz o sposobnosti za realizaciju aktivnosti iz oblasti sporta;
4. vrsta planiranih aktivnosti i mjesto njihovog odvijanja;
5. planirani metod rada i očekivani rezultati;
6. predviđeni broj učesnika i njihova starosna dob;
7. troškovnik sa dinamikom sredstava.

### Član 5.

Organizatori manifestacija su dužni podnijeti zahtjev za sufinansiranje manifestacije, gradonačelniku/ci Grada Sarajeva, putem Gradske službe za obrazovanje, kulturu, sport i mlade (u daljem tekstu: Služba), sa obrazloženim programom, planiranom finansijskim konstrukcijom programa tj. manifestacije, kao i kompletnom dokumentacijom kojom se dokazuje ispunjenje općih i posebnih kriterija, i to najkasnije do 30 septembra tekuće godine.

### Član 6.

Programe iz člana 5. ove Odluke, Služba, u skladu sa kriterijima utvrđenim ovom Odlukom, procjenjuje sa stanovišta značaja za Grad Sarajevo, te shodno valjanosti i kvalitetu istih, svoje stavove i mišljenje, sa obrazloženim prijedlogom i visinom iznosa sredstava neophodnih za realizaciju, dostavlja gradonačelniku/ci Grada Sarajeva na dalji postupak.

Gradonačelnik/ca Grada Sarajeva se obavezuje da sa organizatorima manifestacija zaključi Ugovor, kojim će se regulisati međusobna prava i obaveze.

#### **Član 7.**

Organizatori manifestacija su dužni po završetku manifestacije, dostaviti gradonačelniku/ci Grada Sarajeva izvještaj o namjenskom utrošku sredstava, shodno Odluci o izvršavanju Budžeta Grada Sarajeva.

### **III PRELAZNE I ZAVRŠNE ODREDBE**

#### **Član 8.**

Nadzor nad provedbom ove Odluke vrši gradonačelnik/ca Grada Sarajeva, putem Službe. Gradonačelnik/ca Grada Sarajeva se obavezuje da putem Službe jednom godišnje dostavi Gradskom vijeću Grada Sarajeva Izvještaj o provođenju ove Odluke. Gradsko vijeće Grada Sarajeva, prilikom utvrđivanja Budžeta Grada Sarajeva za narednu godinu vrši periodično revidiranje opravdanosti sufinansiranja sportskih manifestacija iz člana 2. ove Odluke.

#### **Član 9.**

Izmjene i dopune Odluke, vrše se na način i po postupku za njeno donošenje.

#### **Član 10.**

Stupanjem na snagu ove Odluke prestaje da važi Odluka o utvrđivanju sportskih manifestacija od značaja za Grad Sarajevo („Službene novine Kantona Sarajevo“, broj: 6/10).

#### **Član 11.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA  
GRADA SARAJEVA**

**Igor dr. Gavrić**

Broj:  
Sarajevo,

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje.

### **RAZLOZI DONOŠENJA**

Imajući u vidu činjenicu da Grad Sarajevo već tradicionalno doprinosi organizaciji sportskih manifestacija i to pružanjem finansijske podrške iz sredstava Budžeta Grada Sarajeva, to se ukazala potreba za preciziranjem manifestacija iz oblasti sporta od posebnog interesa za Grad Sarajevo, a koje se održavaju na području grada Sarajeva. Organizacijom sportskih manifestacija, u znatnoj mjeri se doprinosi afirmaciji grada Sarajeva, a i ukupnom razvoju sporta na području Bosne i Hercegovine. Takođe je primjećeno da se jedan broj sportskih manifestacija koje su navedene u Odluci više ne održava, a pojedini organizatori manifestacija ne dostavljaju svoje zahtjeve za sufinansiranje manifestacija Gradu Sarajevu. Stoga se ukazala potreba za donošenjem nove Odluke o utvrđivanju i načinu sufinansiranja sportskih manifestacija od posebnog interesa za grad Sarajevo. Shodno naprijed navedenom, te cijeneći činjenicu da se na jedan novi način doprinosi promociji i realizaciji sportskih vrijednosti grada Sarajeva, Gradsko vijeće Grada Sarajeva je donijelo Odluku.

### **OBRAZLOŽENJE PREDLOŽENIH RJEŠENJA**

Članom 1. i 2. Odluke utvrđuje se koje su sportske manifestacije od posebnog interesa za Grad Sarajevo, kao i način njihovog sufinansiranja.

Članom 3. propisuje se sa koje pozicije će se sufinansirati sportske manifestacije.

Članom 4. propisuju se opći i posebni kriteriji za sufinansiranje manifestacija.

Članom 5. propisuje se način podnošenja zahtjeva i druge dokumentacije, od strane organizatora sportskih manifestacija.

Članom 6. propisuje se način rada nadležne Gradske službe i obaveza gradonačelnika/ce Grada Sarajeva.

Članom 7. propisana je obaveza dostavljanja izvještaja o namjenskom utrošku sredstava od strane organizatora manifestacija, kao i da se ostala prava i obaveze utvrđuju zaključenjem posebnog ugovora gradonačelnika sa organizatorom manifestacije.

Članom 8. propisano je ko vrši nadzor nad primjenom Odluke, obaveza podnošenja Izvještaja o provođenju Odluke jednom godišnje, te obaveza Gradskog vijeća da svake godine vrši provjeru opravdanosti sufinansiranja utvrđenih sportskih manifestacija.

Članom 9., 10., i 11. propisuje se način izmjena i dopuna Odluke, prestanak važenja ranije, te stupanje na snagu Odluke.

### **FINANSIJSKA SREDSTVA**

Finansijska sredstva za realizaciju ove Odluke biće obezbijedena u Budžetu Grada Sarajeva.